



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 18 novèmber 2019

Sifra índise di preis pa konsumidó pa luna di òktober 2019

Desaroyo di preisnan pa konsumidó na Kòrsou pa luna di òktober 2019

For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a keda igual na luna di òktober kompra ku luna di sèptèmber 2019 i e sifra di inflashon a keda stabil na 2.7 porshento.

Desaroyo di preis luna òktober 2019 kompará ku luna e luna anterior sèptèmber 2019


E sifra índise di preis pa konsumidó (CPI, “Consumer Price Index”) di Kòrsou a keda igual na luna di òktober na 133.6, kompra ku luna di sèptèmber 2019.

E kambionan di preis mas importante e luna ku a kaba (òktober 2019) ta; subida di sigaria (3.1%), bebida (4.3%), “batata, berdura i fruta” (1.6%), kerosin (0.8%) i bahada di preis di gasolin (-2.1%), sapatu ((-0.9%) i elektrisidat (-0.6%).

Desaroyo di preis luna di òktober 2019 kompará ku luna di òktober 2018

E CPI di òktober 2019 (133.6) ta 3.2 porshento mas haltu ku e CPI di òktober 2018 (129.5). E sifra aki (3.2%) ta indiká ku e nivel di preis pa konsumidó durante luna di òktober 2019 ta mas haltu kompará ku e mes un luna na 2018. E kategorianan ku a kontribuí mas tantu na e subida aki ta kuminda, bebida i sigaria.

Desaroyo di preis riba término largu: inflashon òktober 2019



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba termino largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, sueldo mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku òktober 2019 ku mes periodo un aña anterior, ta resultá ku preisnan na averahe a subi ku 2,7 porshento: e CPI promedio di 12 luna a desaroyá di 128.0 na òktober 2018 pa 131.5 na òktober 2019.

////////////////////////////////////